

清宮史續編

章炳麟

清宮史稿編 卷四 附錄

國朝宮史續編卷之九十七

書籍二十三

圖刻一

臣等謹案輿圖房掌圖版之屬。凡中外臣工繪進呈覽後。藏貯其中。其關繫經制。垂諸悠久者。特命鏤版以行。自乾隆二十六年。勅編蘿圖蒼萃。分類十三。曰天文。曰輿地。曰江海。曰河道。曰武功。曰巡幸。曰名勝。曰瑞應。曰効貢。曰鹽務。曰寺廟。曰山陵。曰風水。迨六十年。奉勅續編。增多於舊繪。蓋由高宗純皇帝德業彌彰。勳猷愈大。疆宇滋擴。政教加詳。故典章亦富有而日新焉。臣等纂入宮史。首列實錄戰圖。次紀盛京事蹟圖。次紀高宗純皇帝平定伊犁。回部。兩金川。臺灣。安南。廓爾喀。苗疆諸圖。並恭錄聖製題幀詩什。餘合蘿圖蒼萃兩編排纂云。

太祖實錄戰圖一分。

八冊凡十七圖

乾隆四十六年。高宗純皇帝敬覽乾清宮所藏太祖實錄戰圖。乃盛京舊本。特

命依式重繪。一貯尙書房。一恭送盛京尊藏。

高宗純皇帝聖製敬題重繪太祖實錄戰圖八韻

昊天有成命。長白肇嘉徵。實錄內首載長白山所出初天降仙女於週圍約千里北布

庫哩山下有神鵠銜朱果吞之成孕生男生而能言長成母告子曰天生汝令汝定亂可往彼處將所生緣由一一詳說乃與一舟順流而下言訖不見時長

白山東南鄂謨羅輝三姓爭雄聞之往見果非常人異而詰之答曰我乃天女所生姓愛新覺羅天降我定汝等之亂衆皆驚異遂擁回三姓人息爭共奉爲主

以我女妻之定號滿洲也草創大東始。規模方夏膺。旅獮五百闕。甲未十三增。實錄載

我太祖龍行虎步舉止威嚴心性忠實剛果武勇蓋世用兵如神初起止遺者

克明國遼遼東諸城建都盛京帝業遂定圖遠先靖近。捫創更鼓升。實錄內載

賊射中項鏃卷如鉤被賊箭中首透盔扶回太祖恐敵知覺令勿近前項又被湧

出太祖以手搵眼并弓從容下屋每恭讀實錄至此未嘗不流涕動心其後

破明師二十萬遂因書七恨。便以進千乘。有戰無不克。惟仁是用興。艱難思祖

德。繼續勵孫承。重繪傳奕世。實錄八冊乃國家盛京時舊本敬貯乾清宮恐子

一本恭送盛京尊藏傳之奕世以示我
大清億萬年子孫毋忘開創之艱難也
毋忘凜日兢。

盛京事蹟圖一分。

紙本縱一尺五寸橫一尺二寸凡五卷

第一卷。恭載太祖高皇帝己未年攻降朝鮮兵於固拉庫崖。破明兵四萬於阿
布達哩岡。辛酉年征明。撫降永甸堡。寬甸堡。長甸堡。靉陽堡。大甸堡。新甸堡。鎮
江城。險山堡。湯站堡。薩馬吉城。鳳凰城。草河城。青苔峪城。岫巖城。黃骨島城。歸
服堡。紅嘴堡。耀州城。盖州城。後爲盖平縣。熊岳城。五十寨城。永寧監城。欒固堡。
復州城。鹽場堡。石河驛城。金州城。後爲寧海縣。丙寅年征明寧遠。克覺華島。太
宗文皇帝癸酉年取明旅順口城。丁丑年取明皮島。世祖章皇帝癸未年取明
中後所城。前屯衛城。中前所城。甲申年四月征寧遠。遂入山海關。定鼎燕京。
第二卷。恭載肇祖原皇帝先世發祥於長白山創業於赫圖阿拉。太祖高皇帝
癸未年起兵。討尼堪外蘭於圖倫城。攻取蘇克素護河部之薩爾滸城。甲申年
圍齊吉達城。擊敗棟鄂部兵。攻取蘇克素護河部之瑪爾墩寨。乙酉年擊敗渾

河部兵於太蘭岡。攻取蘇克素護河部之安圖爪爾佳城。丁亥年攻取渾河部之巴圖達城。戊子年征完顏部。克其城。己丑年攻取渾河部之兆嘉城。癸巳年勦誅訥音部長於佛多和城。破葉赫哈達等九部兵於古峪城。攻富勒佳齊寨。擊敗哈達部兵。己亥年攻克哈達城。平其國。丁未年收撫瓦爾喀部衆於斐優城。攻克輝發城。平其國。辛亥年攻克窩集部之扎庫塔城。征取窩集部之烏爾固辰路。癸丑年征葉赫。降烏蘇城。戊午年攻克明清河城。三岔堡。花豹冲堡。撫安堡。征明。降撫順城。瑪哈丹城。東州城。己未年破明兵一萬於斐芬山。又破明兵一萬於碩欽山。又破明兵三萬於尙間崖。又破明兵五萬於舍哩衛。取開原城。鐵嶺城。辛酉年征明。撫降威寧營城。孤山驛城。甜水站城。奉集堡。中固城。懿路城。蒲河城。瀋陽城。後爲盛京。慶雲堡。范河城。虎皮驛城。宋家泊城。靜遠堡。武靜營城。遼陽城。丁字泊。上榆林城。古城堡。十方寺城。海州城。後爲海城縣。長勝堡。鞍山驛城。穆家堡。三河堡。鎮東堡。長永堡。長寧堡。壬戌年征明。收降鎮靜堡。

取西平堡。降盤山驛城。取平洋橋堡。收降中安堡。閭陽驛城。鎮安堡。取廣寧城。收降牽馬嶺城。大寧堡。大清堡。錦昌堡。大茂堡。大勝堡。太平堡。大康堡。大定堡。大興堡。大安堡。正安堡。太宗文皇帝辛未年圍明大凌河城。破。援兵四萬。降其城。攻降魚子嶂臺。擊敗明兵於小凌河岸。辛巳年破明兵十三萬於山杏驛。壬午年降明錦州城。杏山城。克塔山城。

第三卷。恭載太祖高皇帝戊戌年攻取安楚拉庫路。丁未年征取窩集部之佛訥赫城。鄂摩和素囉屯。赫什赫屯。戊申年攻取烏拉部之宜罕山城。己酉年攻取窩集部之瑚葉路。庚戌年征窩集部。招降尼瑪察諸路長。綏芬諸路長。壬子年征烏拉。築本城於赫爾蘇城。癸丑年攻克烏拉部之鄂謨城。攻克烏拉部之富勒哈城。平其國。甲寅年征取窩集部之雅蘭路。西隣路。己未年攻克葉赫東西二城。平其國。辛酉年征明。撫降鎮北堡。威遠堡。

第四卷。恭載太祖高皇帝丙辰年招服使犬路。諾囉路。錫喇忻路。太宗文皇帝

壬申年由興安嶺征察哈爾。

第五卷恭載太祖高皇帝丙辰年征薩哈連部。取其十一寨。

乾隆四十一年六月十八日奉諭旨。盛京吉林等處。乃我祖宗肇迹興王之所。前因皇輿全圖刊載地名。不能賅備。命於實錄內恭查。詳列清單。將原圖並交將軍弘晌等查明添補。嗣據弘晌等按其道里形勢。將所開地名。添繪成圖呈覽。已交輿圖處。將舊圖增改刊刻。但舊圖方幅有限。詳載地名。字體已小。不能復列事蹟。於幽岐之締造。尙不足以示昭垂。緬惟列祖天作基祥。鴻業經營。規模大備。如我太祖太宗大破明師於薩爾滸山。及凡戰勝攻取之地。開創艱難。皆有山川疆域可考。自宜節舉大要。分注圖中。俾我世世子孫。按圖瞻仰。並得曉然於景命所貽。前勞所啓。益切欽承敬畏。以鞏億萬載丕丕基。詒謀垂裕之道。無有大於此者。著將盛京等處地方另行展拓。繪爲大圖一幅。溯自長白發祥。以至奄有瀋遼。建國遷都。暨神武戡定各事蹟。並爲標目。兼清漢字分注圖

中俾皆瞭如指掌。以備觀省而示久遠。卽交大學士公阿桂、尙書公福隆安、協辦大學士尙書英廉、侍郎和坤、督率所司敬謹辦理。其如何核計里數、展圖若干、足敷標識之處、著令西洋人悉心測算。並卽飭工繪樣呈進。俟閱定、卽壽諸棗梨。用昭世德鴻圖之盛。凜遵毋忽。

聖製恭題戰蹟輿圖詩

有序

盛京吉林諸處。乃我祖宗肇迹興王之所。而皇輿全圖所繪。向未賅備。因敬稽實錄事迹。命將軍弘晌等詳考道理形勢。按圖增補。且勅大學士舒赫德、阿桂等、董所司拓爲大圖。於聖武豐功。標注地名之右。恭紀太祖太宗親征。及遣諸王貝勒等征討者。地凡一百四十有四。圖旣成。將以壽之棗梨。垂示久遠。緬惟我國家自長白發祥。奄有瀋遼。天與人歸。丕基式廓。而我太祖太宗。身歷戎行。開剏艱難。皆有山川疆域可考。迄今按圖展對。並可想見當年景命所貽。前勞所啟。用是恭賦成什。誌不敢忘。卽以是詩錄之幀首。我世世

子孫。遵覽斯圖。其尙欽承敬畏。以鞏億萬載丕丕基。而於余所以述祖德而垂後昆者。庸可忽乎哉。

龍興東海佑承天。叛業時仔二帝肩。因以輿圖考當日。注之戰蹟示千年。祖功並茂德貽後。宗德還兼功繼前。心膂折衝同禦侮。躬親執銳更披堅。凡經一百四十處。迺致九州萬國全。享此泰平守器者。可忘先業弛勤虔。

御題平定伊犁回部全圖一分。

銅板紙印本每幅縱一尺六寸橫二尺七寸凡三十四幅

第一幅聖製戰圖補詠序

西師定功於己卯。越七年丙戌。戰圖始成。因詳詢軍營征戰形勢。以及結構丹青。有需時日也。夫我將士出百死一生。爲國宣力。賴以有成。而使其泯滅無聞。朕豈忍爲哉。是以紫光閣旣勒有功臣之像。而此則各就血戰之地。繪其攻堅斫銳。斬將搴旗實蹟。以旌厥勞而表厥勇。爾時披露布已有成詠者。即書之幀間。其未經點筆者。茲特補詠。凡六事。禮不云乎。聽鼓鼙之聲。則思將帥之臣。撫

是圖也。有不啻若是之感。先是宵旰勤勞。雖日神馳於連營列陣之間。此則目擊心存。竟如指揮諸將士於折衝禦侮之際。而痛定之懼。予惟益欽天眷於無窮。凜月盈於有永。遑敢自詡坐謀。伐赫濯而忘兢業哉。

第二幅。平定伊犁受降圖。

第三幅。聖製西師底定伊犁捷音至詩以誌事

乘時命將定條枝。天佑人歸捷報馳。無戰有征歸絕域。壺漿簞食迎

去聲

王師。兩

朝締搆敢云繼。百世寧綏有所思。好雨優霑土宇拓。敬心那爲慰心移。

第四幅。格登鄂拉斫營圖。

第五幅。聖製阿玉錫歌

阿玉錫者伊何人。準噶爾屬司牧臣。其法獲罪應剉臂。何不即斬犯厥尊。徒步萬里來向化。育之塞外先朝恩。薩拉爾來述其事。云即彼中勇絕倫。持銃迎面未及發。直進手奪無逡巡。召見賜銀擢侍衛。即命先驅清漠塵。我師直入定伊

犁。達瓦齊聚近萬軍。鼓其螳臂欲借一。依山據淖爲營屯。我兩將軍重諮議。以此衆戰玉石焚。廟謨本欲安絕域。撻伐毋乃違皇仁。健卒掄選二十二。曰阿玉錫統其羣。曰巴圖濟爾噶爾。及察哈什副以進。^叶阿玉錫喜曰。固當。廿五人氣摩青旻。銜枚夜襲。覘賊向。如萬祖父臨兒孫。大聲策馬入敵壘。厥角披靡相躡奔。降者六千五百騎。阿玉錫手大纛。達瓦齊攜近千騎。駢走喙息嗟難存。荊阿孟賁一夫勇。徒以藉甚人稱論。神勇有如阿玉錫。知方亦復知報恩。今我作歌壯生色。千秋以後斯人聞。

第六幅 鄂壘扎拉圖戰圖

第七幅 聖製鄂壘扎拉圖之戰詩

以誠馭詐致相輕。哈薩纔迴譎變生。戊己駐營攜少卒。螳螂怒臂阻前程。直何畏曲中宵出。一可當千衆賊驚。竟得全師逢接騎。整軍復入大功成。

第八幅 和落霍漸戰圖

第九幅。聖製和落霍漸行

今春我師勦逆夷。首戰實和落霍漸。斬將搃旗早報捷。酬勞頒資已有差。即今生解俘囚至。曰渥赭特宰桑伊。散秩大臣曾授職。乃敢倡亂如鴉鳴。面詢彼所致敗故。咋舌惟歎天奪其。彼衆猶有千餘騎。覘知我寡設計奇。輜重遠行誘我逐。層層伏賊據險巖。官軍四百始馳至。少騎示弱山之陲。我進彼乃蠭涌集。銳礮如雨循環施。我軍曾無一傷者。百靈擁護信有之。衝鋒突入矢齊發。賊乃喪膽紛離披。鹿埵隴種各逃命。大鞞大膊張軍威。殲彼屍僵近四百。負傷遁者數無訾。是誠天助額手慶。奮勇要亦資人爲。問率軍者其人誰。超勇親王家聲詒。

第十幅。庫隴癸戰圖。

第十一幅。聖製庫隴癸之戰詩

威弧有事射天狼。三穴窮追卹許藏。鋌險賊人雖鼠竄。擣虛士氣正鷹揚。五更直襲屯營寨。兩騎先收牧馬羊。以少勝多張撻伐。將軍誠勇著旂常。

第十二幅。烏什酋長獻城降圖。

第十三幅。聖製烏什城酋長霍集斯伯克攜回衆獻城降詩以紀事。

執渠早是被恩榮。畏逼遷隨尙近情。識順料伊將倒戟。翦兇匪我願佳兵。申明
昧雉霜嚴令。疊見牽羊肉袒迎。天佑人歸逮底績。越因兢業凜虧盈。

第十四幅。黑水圍解圖。

第十五幅。聖製黑水行。

恭載前卷
宮殿門

第十六幅。呼爾璫大捷圖。

第十七幅。聖製我師詩。

我師萬里外。馬力實難繼。況深入賊巢。主客勢誠異。以此被所圍。固守鼓衆氣。
豈忍罪輕進。惟獎勤王事。再三督援師。速進以接濟。亦不待督責。敵愾人同勵。
屈指數居諸。兵應臨彼地。爭勝在俯仰。所關信非細。中夜不安寢。亟盼佳音至。
忽傳驛致章。秉燭披衣視。鏖戰五日夜。斬將奪旗幟。副將軍富德。參贊及軍士。

同心成巨功。殲賊數千騎。已近將軍營。通信卒遣四。頑獯百計攻。官軍一意備。以此歷三月。無恙皆寧謐。相商夾擊策。一舉期功遂。四月寤寐榮。今朝始慶慰。殷心念衆勞。額手感天賜。佇待捷音馳。國朝威遠被。

第十八幅。通古思魯克戰圖。

第十九幅。聖製通古思魯克之戰詩

兩回酋昔困莎車。得地忘恩應剪除。赤翟蜂屯助白翟。僑如狼顧庇榮如。渡河騎卒五百耳。背郭賊將二萬餘。守壘竟同援兵返。忠誠迴憶益欷歔。

第二十幅。霍斯庫魯克戰圖。

第二十一幅。聖製霍斯庫魯克之戰詩

回城既定進追兇。雙耳山前竄跡逢。賊已六千橫據嶺。兵纔九百仰攻峯。遮回安集延逃路。直躡拔達山去蹤。將卒同心奮敵愾。千秋國史勒勳庸。

第二十二幅。阿爾楚爾戰圖。

第二十三幅。聖製阿爾楚爾之戰詩。

霍斯庫魯遁餘魂。合旅窮追玉水源。蕃部勤王隨契苾。旗軍勵志定堅昆。蚩尤所恃依重險。風后宛同握八門。健銳營丘精火器。雪山倏作陸渾原。

第二十四幅。伊西洱庫爾淖爾戰圖。

第二十五幅。聖製伊西洱庫爾淖爾之戰詩。

三交三勝武貔雄。黠鼠徒嗟五技窮。一綫沿溪進魚貫。千尋列嶂突蠶叢。遊魂釜底雖潛脫。馳檄天邊竟定功。歲事追思臨事愼。持盈永以勵深衷。

第二十六幅。拔達山汗納欵圖。

第二十七幅。聖製副將軍富德奏報拔達山汗素爾坦沙獻逆賊霍集占首級

並以全部納欵稱臣信至詩以誌事。恭載前卷
宮殿門

第二十八幅。平定回部獻俘圖。

第二十九幅。聖製御午門受俘馘詩。恭見前編

第三十幅。郊勞回部成功諸將士圖。

第三十一幅。聖製二月二十七日郊勞出征將軍兆惠富德及諸將士禮成紀

事詩

恭載前卷
宮殿門

第三十二幅。凱宴圖。

第三十三幅。聖製上巳日凱宴成功諸將士詩

恭載前卷
典禮門

第三十四幅。大學士公臣傅恒等恭跋。

右圖十有六幅。始於伊犁受降。訖於回部獻俘。凡我將士。勦壘斫陣。霆奮席捲之勢。與夫賊衆披靡潰竄。麇奔鹿駭之狀。靡不摹寫畢肖。鴻猷顯鑠。震耀耳目。爲千古臚陳戰功者所未有。幀端各系以御製詩。成於奏凱錄功。即事紀實者。十。追敘時地。補圖補詠者六。旣裝潢成冊。親製序文冠於冊首。並命臣等恭誌其後。伏惟西陲撻伐之役。歲不越五周。北庭以北。西濛以西。二萬餘里。咸隸版宇。懿此武成大定。胥荷我皇上廟算精詳。先機制勝。用以洪迓靈貺。佑順協孚。